

**GARIS PANDUAN
GAP YEAR**

**KEMENTERIAN PENDIDIKAN TINGGI
2017**

1.0 PENGENALAN

Program *Gap Year* telah diumumkan semasa Majlis Amanat Menteri Pendidikan Tinggi 2017 bagi memenuhi Lonjakan 1 Pelan Pembangunan Pendidikan Malaysia 2015 – 2025 (Pendidikan Tinggi) PPPM(PT) iaitu melahirkan graduan holistik, seimbang dan bercirikan keusahawanan. Program *Gap Year* akan dilaksanakan dalam jangka masa setahun untuk pelajar membuat refleksi dan penerokaan diri menerusi program kesukarelawanan, keusahawanan, bersukan dan sebagainya.

Terdapat tiga bentuk program *Gap Year* yang ditawarkan iaitu :

- *Gap Year - Kesukarelawanan Khidmat Negara,*
- *Gap Year - Kesukarelawanan; dan*
- *Gap Year - Umum.*

1.1 ***Gap Year - Kesukarelawanan Khidmat Negara***

Program ini akan menempatkan pelajar yang berminat ke agensi-agensi badan beruniform seperti **Polis Diraja Malaysia (PDRM), Angkatan Tentera Malaysia (ATM) dan Angkatan Pertahanan Awam Malaysia (APM)**. Terdapat dua Universiti Awam (UA) yang akan menjadi peneraju kepada program *Gap Year - Kesukarelawanan Khidmat Negara* iaitu **Universiti Teknologi MARA (UiTM) dan Universiti Kebangsaan Malaysia (UKM)**. Pelajar akan berkhidmat sebagai sukarelawan di tiga agensi tersebut selama 1 tahun.

1.2 **Gap Year - Kesukarelawanan**

Program *Gap Year - Kesukarelawanan* merupakan program kerjasama antara universiti peneraju bersama agensi yang terlibat untuk pelajar melaksanakan aktiviti kesukarelawanan. Program ini akan dilaksanakan selama tiga (3) bulan sehingga satu (1) tahun. Universiti bersama agensi yang menawarkan program *Gap Year - Kesukarelawanan* dalam kategori ini adalah seperti berikut :-

- 1.2.1 Universiti Utara Malaysia (UUM) – Jabatan Kebajikan Masyarakat (JKM)
- 1.2.2 Universiti Tun Hussein Onn Malaysia (UTHM) – Jabatan Kebajikan Masyarakat (JKM)
- 1.2.3 Universiti Sains Islam Malaysia (USIM) – Islamic Relief Malaysia (IRM)
- 1.2.4 Universiti Sultan Zainal Abidin (UniSZA) – Jabatan Kemajuan Orang Asli (JAKOA)
- 1.2.5 Universiti Malaysia Terengganu (UMT) – Agensi Pengurusan Bencana Negara (NADMA)
- 1.2.6 Universiti Malaysia Sabah (UMS) – Dewan Bandaraya Kota Kinabalu (DBKK)
- 1.2.7 Universiti Pendidikan Sultan Idris (UPSI) – Kementerian Pendidikan Malaysia(KPM) dan Jabatan Pendidikan Negeri Perak(JPNP).

1.3 **Gap Year - Umum**

Program *Gap Year - Umum* terbuka buat pelajar yang ingin menanggungkan pengajian bagi melibatkan diri di dalam aktiviti sukan, keusahawanan, meningkatkan kemahiran, melancong dan sebagainya. Aktiviti yang dirancang oleh pelajar perlu mendapat kelulusan dan mengikut syarat-syarat yang telah ditetapkan oleh universiti masing-masing. Tempoh minimum program adalah selama satu semester dan tempoh maksimum adalah selama satu tahun kalendar akademik. Program ini tidak mempunyai struktur spesifik seperti program *Gap Year - Kesukarelawanan Khidmat Negara* atau *Gap Year - Kesukarelawanan*. Pelajar bebas memilih program yang bermanfaat dan menambah nilai kemahiran mereka.

2.0 TUJUAN

Garis panduan ini bertujuan memberi keterangan dan penjelasan mengenai objektif, syarat, prosedur permohonan, tanggungjawab pelajar, tanggungjawab universiti dan tanggungjawab agensi dalam melaksanakan program *Gap Year*.

3.0 OBJEKTIF GAP YEAR

Program *Gap Year* ini dilaksanakan bagi mencapai objektif yang berikut:

- 3.1 memberi ruang dan peluang kepada pelajar untuk menangguhkan pengajian selama satu tahun (2 semester) bagi mengenali potensi diri dengan melaksanakan aktiviti kesukarelawanan, keusahawanan, sukan dan sebagainya.
- 3.2 meningkatkan kemahiran insaniah dan kebolehpasaran graduan; dan
- 3.3 mendapat manfaat secara tidak langsung hasil pelaksanaan program kesukarelawanan yang dijalankan oleh pelajar menerusi program pembangunan komuniti dan kesejahteraan rakyat.

4.0 SYARAT DAN PROSEDUR PERMOHONAN

4.1 Syarat-syarat Kelayakan

Pelajar yang layak menyertai program *Gap Year* mestilah memenuhi kriteria seperti berikut :

- 4.1.1 Warganegara Malaysia;
- 4.1.2 Berdaftar dengan UA;
- 4.1.3 Memenuhi syarat-syarat kelayakan yang ditetapkan oleh agensi berkenaan
- 4.1.4 Pelajar tahun kedua dan ke atas yang belajar secara sepenuh masa di peringkat Diploma atau Ijazah Sarjana Muda;
- 4.1.5 Tempoh program *Gap Year* yang ingin disertai tidak melebihi satu tahun pengajian akademik; dan
- 4.1.6 Pelajar hanya dibenarkan untuk menyertai **SATU** kali sahaja program *Gap Year* sepanjang pengajian.
- 4.1.7 Mengemukakan surat sokongan daripada pihak penaja pengajian seperti MARA, JPA dan sebagainya.

4.2 Prosedur Permohonan

Pelajar yang berminat menyertai program *Gap Year* hendaklah melalui prosedur berikut:-

4.2.1 menghantar borang permohonan rasmi *Gap Year* (Lampiran 1) yang boleh diperolehi daripada laman web universiti peneraju seperti dalam Jadual 1 kepada Jawatankuasa *Gap Year* UA masing-masing:

Bil	Institusi	Agensi Strategik	Program	Jangkamasa
1	UiTM	APM	Sukarelawan APM	1 tahun akademik
2	UiTM	ATM	Sukarelawan ATM	1 tahun akademik
3	UKM	PDRM	Sukarelawan PDRM	1 tahun akademik
4	UUM	JKM	Perkongsian Pintar Kesukarelawan UUM – JKM (PINTAS UUM – JKM)	3 bulan
5	UTHM	JKM	V2i	1 tahun
6	USIM	IRM	Program Pembangunan Komuniti	1 tahun
7	UniSZA	JAKOA	Menongkah Puncak :Pemeriksaan Pendidikan Orang Asli	3 bulan
8	UMT	NADMA	Mahasiswa@Cakna : Kesukarelawanan Bencana	3 bulan
9	UMS	DBKK	My City, My Responsibility	3 bulan
10	UPSI	KPM & JPNP	Tuisyen Bitara	1 semester

Jadual 1 : Senarai universiti peneraju dan agensi terlibat dalam program *Gap Year*

4.2.2 menyediakan kertas kerja sekiranya memilih untuk menyertai program *Gap Year* - Umum berdasarkan format yang telah disediakan (lampiran 2);

4.2.3 mengemukakan permohonan lengkap sebelum tarikh tutup permohonan. Permohonan yang lengkap sahaja akan diproses; dan

- 4.2.4 memohon kepada pihak agensi, universiti peneraju dan universiti pemohon secara bertulis (lampiran 3) sekiranya pelajar ingin memendekkan tempoh atau menarik diri daripada pelaksanaan program *Gap Year*.

5.0 TANGGUNGJAWAB

5.1 Pelajar

Pelajar yang menyertai program *Gap Year* mestilah :-

- 5.1.1 melaksanakan pemeriksaan kesihatan bagi tujuan permohonan *Gap Year* – Kesukarelawanan dan *Gap Year* – Kesukarelawanan Khidmat Negara;
- 5.1.2 mematuhi undang-undang yang sedang berkuatkuasa;
- 5.1.3 menjaga nama baik kementerian, universiti dan agensi;
- 5.1.4 mematuhi etika dan peraturan agensi sepanjang melaksanakan program *Gap Year*; dan
- 5.1.5 menyediakan laporan mengikut keperluan yang ditetapkan oleh universiti peneraju dan agensi masing-masing.

5.2 Universiti

5.2.1 Universiti Pemohon

- i. membuat hebahan kepada pelajar universiti masing-masing berdasarkan hebahan universiti peneraju;
- ii. menyaring permohonan pelajar mengikut kriteria universiti peneraju;
- iii. menyalurkan permohonan kepada universiti peneraju; dan
- iv. memastikan pelajar dilindungi dengan insurans yang berkaitan.

5.2.2 Universiti Peneraju

- i. membuat hebahan kepada pelajar universiti masing-masing;
- ii. memilih permohonan pelajar yang lengkap mengikut kriteria universiti peneraju;

- iii. mengadakan perbincangan dengan agensi berkenaan penempatan;
- iv. mengeluarkan surat penawaran kepada pelajar yang layak sekurang-kurangnya dua minggu sebelum tarikh program diadakan;
- v. menjalankan sesi latihan yang bersesuaian mengikut keperluan agensi;
- vi. memastikan pelajar mendapat penempatan yang bersesuaian;
- vii. memantau aktiviti kesukarelawanan pelajar;
- viii. menilai aktiviti kesukarelawanan pelajar (jika berkaitan); dan
- ix. universiti peneraju boleh memberhentikan pelajar yang tidak mematuhi syarat *Gap Year* dengan persetujuan agensi dan memaklumkan kepada universiti pemohon.

5.3 Agensi

- i. memastikan pelajar tertakluk kepada syarat yang telah dipersetujui antara agensi dan universiti awam;
- ii. mengadakan perbincangan dengan universiti peneraju berkenaan penempatan;
- iii. menerima pelajar yang telah dipilih oleh universiti peneraju;
- iv. memantau aktiviti kesukarelawanan pelajar;
- v. menilai aktiviti kesukarelawanan pelajar (jika berkaitan);
- vi. menjaga kebajikan dan keselamatan pelajar; dan
- vii. mencadangkan untuk memberhentikan pelajar yang tidak mematuhi syarat *Gap Year* dengan memaklumkan secara bertulis kepada pihak universiti peneraju.

6.0 PENUTUP

Adalah diharapkan buku panduan ini dapat membantu pelajar khususnya untuk mencapai objektif program *Gap Year* iaitu menyemai semangat kesukarelawanan, patriotism, perpaduan dan penyayang. Garis panduan ini diterbitkan agar dapat memberi panduan kepada semua pihak termasuk pelajar, universiti dan agensi dalam melaksanakan program *Gap Year*. Penerbitan ini adalah sebagai sumber rujukan dalam merealisasikan program *Gap Year* selaras dengan PPPM (PT).